



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Pace Civili Inter Imperii Ordines
Religione Dissidentes Perpetuo Conservanda Libri Duo**

Conring, Hermann

Francofurti ; Lipsiae ; Wittebergae, 1680

VII. Omnia Statuum Catholicorum interest Pacem illicitam non fieri.

urn:nbn:de:hbz:466:1-9585

aut licite possit, alioqui enim Christus id facienti detrimentum animæ quod solo peccato incurritur, non intentaret. Alterum stabilivit Doctor gentium Rom. 3. v.g. *non esse videlicet facienda mala, ut eveniant bona*; cum erroris contrarii ex eo, quod diceret etiam *iniquitate nostra Dei justitiam commendari*, falso sibi impositi blasphemiam à se repulit & damnatione dignam judicavit. Nullum ergo tantum bonum est, cuius causa peccare licet, alioqui vel maxime ad illustrandam Dei gloriam id liceret, quod veluti blasphemum, ut omnem boni finis intentione peccandi licentiam excluderet, Apostolus damnavit. Quare præpostere nec Christianæ Religionis & Imperii necessitas ad persuadendam Pacem exaggeratur, priusquam licitas esse conditiones constiterit. Quæ si ex se illicitæ fuerint, non magis eas inire fas est, quam necessitatis cuiuscunque causa fidem negare, blasphemare, pejorare, fornicari, adulterari. Sicut autem *nemo sanæ mentis consultat de impossibilibus*, teste Aristotele 3. Ethic. cap. 3. ita nemo vere Christians, Deumque timens de liberat de illicitis. *Perinde enim est timorata conscientia non licere & fieri non posse.*

VII.

Omnium Statuum Catholicorum interest Pacem illicitam non fieri.

Perniciosus error est existimare, aut nihil aut parum interesse Catholicorum, qui Protestantibus vicini non sunt, neque aliquando bonis aut juribus Ecclesiasticis ab iisdem spoliati fuere, quibus conditionibus PAX transfigatur. Cum enim Principes & Status singuli suffragium ferre debeant non pro se suisque duntaxat ditionibus, sed pro toto Imperio, (secundum plura enim suffragia in Comitiis decerni solet) interest conscientiae & salutis singulorum, ne quidam legibus divinis & religioni maxime adversum svadeant vel ratum habeant, suoque suffragio comprobent, et si id non ipsos sed alios concernat. Multo enim iniquius est, aliorum Episcoporum aut Catholicorum bonis

bonis ac juribus suo suffragio derogare, quam suis, in quæ qua-
lecumque jus obtinere videntur. Denique ad omnes Status
Catholicos PAX Religionis ejusque extensio attinet, tum quia
ex omnium ditione subditi possunt ad haereticos emigrare, tum
quia, si eiusmodi Pace heresis nimium invalescat, periculum,
quod ante paucorum fuit, erit omnium, & ubique vicinus pa-
ries ardebit.

SECTIO IV.

Pacem cum illis Conditionibus, quas desiderant
Protestantes, ex se illicitam esse de-
monstratur.

DE perpetua præcipue agimus; temporaria enim parum
fidei & securitatis habet. Neque acquiescent Protestan-
tes, donec undequaque stabilem seu jam seu aliâs obti-
nent. Etsi, quæcumque cum illis ineat, perpetuitatem
habeat, quatenus Pacem Religionis includit & confirmat.
Quas autem conditiones desiderent Protestantes, patet ex
sect. i. § 1. Talem ergo Pacem & quamvis ei similem ex se sive
genere suo illicitam esse, demonstramus sequentibus argu-
mentis.

1. PAX ejusmodi heresi tum directe tum indirecte coo-
peratur.
2. Infert injuriam Creatori & verae Religioni.
3. Est causa perditionis animarum.
4. Est usurpatio potestatis non competentis.
5. Repugnat officio & juramento Cæsaris, Statuumq; Ca-
tholicorum, maximè Episcoporum.
6. Est frustratoria ipsoque bello periculosior.
7. Absque comparatione est magis inordinata mendacio,
quod necessitatis causa licere negant Catholicos.
8. Ecclesiæ Dei, Summorum Pontificum, SS. Patrum &
Veterum DD. suffragio destituitur & damnatur.

N 3.

Hæc

